

Neix Hix Dwg Sojmiz

这也是——切

□ Sub Dingz / 舒婷

Mbouj dwg sojmiz gofaex hung,
Cungj deng rumzhaenq euj goenq;
Mbouj dwg sojmiz ceh,
Cungj ra mbouj ndaej namh bae didrag,
Mbouj dwg sojmiz caencingz,
Cungj laesaet youq diegsa ndawsim bouxvunz;
Mbouj dwg sojmiz siengjndwi,
Cungj nyienh deng eujbae gij fwed.
Mbouj, mbouj dwg sojmiz,
Cungj dwg mwngz naeuz yienghhaenx!

Mbouj dwg sojmiz feizmbaw,
Cungj cij coemh swdgeij,
Hoengmbouj ciuq rongh bouxwnq;
Mbouj dwg sojmiz ndaundeiq,
Cungj cij yienh ok dwg gyanghaemh,
Hoeng mbouj lwnh naeuz mbwnmomj
yaek daengz;
Mbouj dwg sojmiz sing go,
Cungj biu gvaq henz rwz,
Hoeng mbouj ce youq ndawsim.

Mbouj, mbouj dwg sojmiz,
Cungj dwg mwngz naeuz yienghhaenx!

Mbouj dwg sojmiz heuh cungj mbouj miz han;
Mbouj dwg sojmiz sonjsaet cungj mbouj miz
banhfap bae boujdauq;
Mbouj dwg sojmiz cauzlak laeg cungj dwg दौराeg;
Mbouj dwg sojmiz दौराeg cungj hoemq youq
gwnz gyaeuj bouxnyieg;
Mbouj dwg sojmiz sim
Cungj ndaej caij youq laj din, naeuh youq ndaw
namh;
Mbouj dwg sojmiz cietgoj,
Cungj dwg raemxda caeuj lwed lae, hoengmbouj
raen najriu.

Seizneix sojmiz cungj hamz miz daengzcog,
Daengzcog sojmiz cungj maj youq ngoenzlwenz.
Maqmuengh, caemhcai q vih de ceng,
Cingj aeu sojmiz cuengq youq gwnz mbaq mwngz!

“Seiq Aen Cienzmienh” Seiq Mienh Geiz

“四个全面”四杆旗

□ Vangz Gozgvanh / 黄国光

Valeux hoengzswgswg,
Cingq dwg ndei eu fwen,
Sim saengz gou hix dwen,
Fwen “seiq aen cienzmienh”.
木棉开花红艳艳，
壮乡大地歌连连，
我今也来把歌唱，
“四个全面”排在先。

Cunghyangh hai song hoih,
Doengzdoih daeuj doxyaeng,
Cienzmienh guh siujganh,
Gaen Cunghyangh yamqdin.
一唱中央开两会，
共商国策气势威，
全面小康同步走，
全国上下紧跟随。

Cunghyangh hai song hoih,
Doengzdoih daeuj doxnaeuz,
Gyalaeg gaijgwz gaeuq,
Doxnaeuz bongh bae gonq.
二唱中央开两会，
一锤定音显神威，
全面深化着改革，
奋勇向前不后退。

Cunghyangh hai song hoih,
Coih fujbai aeu yaz,
Ceih guek aeu baengh faz,
Guekgya cingq rox maenh.
三唱中央开两会，
清除腐败不气馁，
全面依法来治国，
法治国家不可摧。

Cunghyangh hai song hoih,
Doengzdoih dingq dangj gangi,
Yiemzgek daeuj Ci dangj,
Mbouj ndaej fanh dangigij.
四唱中央开两会，
一切听从党指挥，
全面从严来治党，
党纪绝对不可违。

“Seiq aen cienzmienh” ndei,
Coih lumj seiq mienh geiz,
Hoengzfwgfwg doengz feiz,
Ndawsim seizseiz raeuj.
“四个全面”真是好，
就像四杆旗耸立，
红通通的似火焰，
照得我们心里暖。

·heiqfwen dinj Vahcuengh·

Rox Byawz Deng Byawz Loek

不知谁人对和错

□ Cungh Swmingz / 钟自鸣

(Simj fwngz vix najbyak Au)
Denz: (Raen Simj doengh fwngz rag
Simj deuz) Beixsauj, gaej doengh
fwngz.

Hozgaek hoj guh saeh,
Siu heiq cij heih baenz,
Menhmenh cam goekgaen,
Raemx mboek raen rin loh.
Simj:
Haetlwenz haeux ngamq cug,
De duk bae yihyen,
Bae laeglemx vayen,
Henre gou dwk doeg.

Yied naemj couh yied heiq,
Rox de ngeix gijmaz,
Gij cingzngaih gvanbaz,
Yawj dangq haz dangq nywj.
Denz: (coh Au)
Roegga mbouj luenh ya,
Gvanbaz gaej doxngeiz,
Dauhleix mwngz rox caez,
Yawz lij ngeiz beixsauj?

Au: Gou……gou……aeya, gou
gangj mbouj cingcuji.

Simj:
Vangraeh cungj dwgcaengz,
Hixnaengz biengj caekhaex,
De baenzbag yienghneix,
Lij ngeix vunz haih de.

Boh gou ndaej yw ma,
Camhseiz ha ndaej bingh,
De cix euqgingging,
Ittingh naeuz mbouj gwn.
Denz:
Daegbeix mbouj dwg bag,
Dwg sou gag ngeix loeng,
De beizsingq mbouj doengz,
Sou doeng ngeix sae siengj.

Au:
Gou gangj couh mbouj saenq,
Mbouj bingh gwn maz yw,
Ndaq haeuj gyaeuj haeuj rwz,
Gwn yw cij mazmwnh.
……

Denz: O! Laxlawz mwngz dwg lau
de——

Au:
De ep gou gwn yw,



Mehsimj sou haeuxyangz daeuj dak.

Lij lw miz song guenq,
Lau de saj soujduenh,
Cuengq ndaw ngaiz hawj gwn.

Denz: Sou song bous ha.
Miz saeh mbouj doxcam,
Gag bous ram gwnzmbaq,
Daengq sou song gyaeujyah,
Doxyaeng gvaq baezlaeng.

Simj:
Miz maz ndei doxyaeng,
Bous daengz bous daeuj ndaq,
Sing rongx de caengz gvaq,
Yahmeh de youh naeuz.

Denz: Yahmeh de hix naeuz mwngz?
Simj:

Buzlax ndaq yaek dai,
Laih gou gvai doxok,
Gen fwngz niuj baihrog,
Lod cienz bae hawj vunz.

Denz: Lod cienz bae hawj vunz?
Ndaw sou lij miz bouswnq dem?
Au: Miz! Daegbeu.
Denz: Aeyu, cingqcaen miz bous
ndeu dem ha!

Simj:
Gou baez daih' it haq,
Miz gvaq daeglwg ndeu,
Coh heuhguh Daegbeu,
Meh deuz lwg riengz daeuj.
(caengz sat)